

## 1198 - 1998 VÒTTCENT ANN

Dent ona torr apos del Rebecchin,  
pròppi a duu pass del Dòmm, del nòster Dòmm,  
s'eren sentuu di vos de contentezza:  
“FACTA FUIT CREDENTIA SANCT AMBROSII”

Paròll che finament daven speranza  
a la gran voeuja de sgarà Milan.  
Ghe n'è passaa de ann (vòttcent precis)  
e semm de capp an'mò pien de vergògna  
che par de soffegà dent in del ruff  
per poeu spari pian pian in d'ona fògna.

Gh'è pù la torr apos del Rebecchin;  
gh'è pù de bei maner per i contrad  
e parlom pròppi pù 'me i nòster vègg.  
Ma quatter milanese pien de speranza  
hann mettuu in pee, in del nòm de Sant Ambroeu,

ona Credenza noeuva per spiegà  
che prima an'mò che vegna giò la nòtt  
se pò combatt, per minga scomparì.

L'han fada per el nòster bèll linguagg:  
l'han fada per amor di nòster vègg  
e per dismett de piang denanz i mur  
del nòst Milan ch'el par on gran spègasc.

I nòster giardinett ciamen i mamm,  
cerchen i bagaitt, i morosit  
che se brasciaven sù pien de illusion.

Gh'è pù in de l'aria tanta bella cera  
e stèmm saraa in di cà quand ven la sera.  
Sèmm minga ch'è a cantà la nostalgia,  
ma minga per spettà on'agonia.

In di ritratt el nòster Sant Ambroeu  
el gh'ha ona frusta sollevada in man  
e la “Credenza” la gh'ha pròppi in ment  
de doperala, giust per fà capì  
che i milanese hinn bon, ma nò...  
...indorment.

1198  
VÒTTCENT ANN  
1998

Dent ona torr apos del Rebecchin,  
pròppi a duu pass del Dòmm, del nòster Dòmm,  
s'eren sentuu di vos de contentezza:

“FACTA FUIT CREDENTIA SANCTI AMBROSII”

Paròll che finalment daven speranza  
a la gran voeuja de sgarà Milan.  
Ghe n'è passaa de ann (vòttcent precis)  
e semm de capp an'mò pien de vergògna  
che par de soffegà dent in del ruff  
per poeu spari pian pian in d'ona fògna.

Gh'è pù la torr apos del Rebecchin;  
gh'è pù de bei maner per i contrad  
e parlom pròppi pù 'me i nòster vègg.

Ma quatter milanese pien de speranza  
hann mettuu in pee, in del nòm de Sant Ambroeu,

ona “Credenza” noeuva per spiegà  
che prima an'mò che vegna giò la nòtt  
se pò combatt, per minga scomparì.

L'han fada per el nòster bèll linguagg;  
l'han fada per l'amor di nòster vègg  
e per dismett de piang denanz i mur  
del nòst Milan ch'el par on gran spègasc.

I nòster giardinett ciamen i mamm,  
cerchen i bagaitt, i morosit  
che se brasciaven sù pien de illusion.

Gh'è pù in de l'aria tanta bella cera  
e stèmm saraa in di cà quand ven la sera.  
Sèmm minga ch'è a cantà la nostalgia,  
ma minga per spettà on'agonia.

In di ritratt el nòster Sant Ambroeu  
el gh'ha ona frusta sollevada in man  
e la “Credenza” la gh'ha pròppi in ment  
de doperala, giust per fà capì  
che i milanese hinn bon, ma nò...  
...indorment.

Marco Candiani

ANTICA CREDENZA DI SANT'AMBROGIO

Via Silvio Spaventa, 19-1

MILANO

... se vorren savè un pòcc de storia de l'Antica Credenza  
al men in quant a ghe... prima che vegna nòtt.

Stampa: ART Grafiche Marketpress srl - Milano



Marco Candiani

(grafia originale dell'Autore)